


Carnavalskrant 2006

33^{ste} Oetgaaf

"Gekke krant" veur 't BEMELER-LAND
Bemele

't Gehuch



Gasthoes

't Wolfshoes 't Rooth
Carnavalsvereniging
"De BERGGEITTE"
Bemelen



Preens Berry I

Bèste Bergeitte, Bergbök en aander camavaliste!!!

Es iech dit schrief höb iech nog dreij weke te goan es preens Berry | vaan de Berggeítte vaan Bemele. Ut begos allemaol ongeveer 2 jaor geleije toen president Pierre miech vroog um ins effe langs te kinne koame. Mien ierste reactie woar: "de kins kaome , meh weet dat iech vanaof asgoonsdig op vekantie bin!" Pierre zag toen OK," meh daan zek iech diech noe tot ste volgend jaor neet books". Utjaor d'r op had 'r mit Monique ú späölke gespäöld. Zie had tege Pierre gezag ut wel te regele. Veur die charmes bin iech euverstag gegaange. Daan beginne de veurbereidinge zoës kleijer oetzeuke, unne keep, unne steek medailles oetzeuke, hieringe hole en num mer op. Allemaol extra spannend umtot geine get maag wete. De kinder hadde veer ut drek verteld, en die höbbe erreg good gezwege.

Zoe werrek ste tow noa de ontmaskering. Veur deen avond had iech femilie meh ouch collega's oetgenudig. De collega's wiste trouwes vaan niks en dachte gewoen noa u feeske te koame... Nao ut aafitrejje vaan Pirino kaom iech neet weg oet de zaol. O.a. de Zoepnaze heelte alles in de gate. Op un gegeve momint woare ze al mèt de kis door de zaol aon ut goon terwijl d'r unne aandere oonder zaot! Heer waor bang tot ze de kis opluugde, meh iech ouch! Es te daan oetkumps is ut hiel bezunder wat gebäörd. De reacties en de ontlading geve diech vleugels. Un momint um noets mie te vergete.

Daan geit alles hiel gaw. De aajd-preense kaome de vlag plante es de lètste gaste vaan den daag derveur sjus vertrokke zien. De ganse daag höbste ut hoes vol.

Kadoos, blomme, beer-pakette ,kaarte, felicitaties blieve kaome. Ut waor twie weke fees!

Eederein nog enorm bedaank!

Daan geiste euveral noa tow. Foto's ophange, nao Ekkelder en Tebannet. Wat iech geweldig vond is tot de Zoepnaze ouch euveral mitginge. Es ste daan mit zoen 60 maan örreges binne kumps daan greuj ste. Unne geweldige steun boe volges miech alle aander dörrepe zjaloes op zien.... Jonges (en vrouwluij neet te vergete!) hartstikke bedank!

Un aander hoegtepunt is de zitting vaan de Berggeitsjes en Bergbökskes. Het waor hielemaal te gek dat mien pete-keend Nicky ouch preens woord, saame mit Angelique ú hiel sjiek jeugpreense-paar. Langsaam weurt ut stuk te laank en zal iech der get gawwer door goon. Nao de sjaolcamaval en ut zieke bezeuk, de sjleutel-euverdrach, ete bij het jeugpreense-paar en ú paar feesaovende (neet te vergete zoondig op 't plateau, wie de militaire binne kaome waor ut fees gans compleet) kaom d'n optoch.

Alles wèrekde mit, ut weer waor fantastisch, zoonder jas op de wage. D'r waore 41 wages en groepe en einzelgengers (Hanny veer vónte ut wel leuk!). Ongeluifelik veur us dörpke.

Nao den optoch fees in de zaol. Wat iech dao ouch noets zal vergete is de slotceremonie,

(i ech deenk tot degene die geluuch höbbe ut ouch noets zalle vegete).

Op waardige meneer kaom op asgoonsdig un ind aon uzze vasteloavend. Veer höbbe menier pestoer de sjleutel trök gegeve (nog bedaank veur ut vertrouwe), un assekruiske gekrege en un hieringske gegete.

Langsaam zien veer al opgestart veur ut nuije sezoen. De foto's mit de ganse raod zien gemaak, de opening op den 11^e van den 11^e is achter de rök en de ierste bezeuke ouch al.

Dat beteikent tot ut einde in ziech is. Dat beteikent och tot iech gaon bedaanke. Um te beginne **mien prinses Monique en de keender Rachelle en Didier**. Zie höbbe miech geweldig gesteund en altied gezörreg tot alles geregeld waor.

Daan natuurlijk de ganse raod mèt de vrouwluij en in ut bezunder de president. Unne geweldige groep um met onderweeg te zien.
Mien familie , collega's en vrun , regelmatig waore ze vaan de partij.
De Zoepnaze, altied vaan de partij, grandioos!!
De jeugraod met preens Nicky en prinses Angelique.
Ouch wil iech veural de jeug van Bemele bedaanke, zie höbbe geweldig mèt gefees en väöl stumming gebrach. Jonges hawwe zoe!
Iech weit zeker tot iech lujj vergete bin, daorum

EEDEREIN bedaank!

Veer höbbe vaan eedere daag mèt uuch genote !!

Berggeitte ALAAF,

Preen Berry I,

Ouch naomes Monique , Rachelle en Didier.




OPROEP OPROEP OPROEP OPROEP

Schietvereniging Bergzicht Bemelen zoekt met spoed NIEUWE LEDEN

Sjeetvereiniging Bergziech oet Bemele is dringend op zeuk nao nuij leede. "Veer moote noe éch in 't geweer koome um te veurkoome dat oos vereniging binnekort alle kroet versjoote hèèt", meldt de veurzitter. "Veer hùbbe al vanalles geprebeerd um nuij blood in de vereiniging te kriege, mèr veer mikke blykbaar altied op de verkierde doelgroep, of veer sjeete altied weer mis. En es veer noe neet opsjete, zeen veer sjtraks oetgesjoote."

Welke doelgroep hèèt de Sjeetvereiniging dan precies op 't oug es 't um nuuj lede geit? De veurzitter: "Veer deenke in de iersjte plaats aan de jeugd, aan de opgesjote jongere. Die hùbbe toch dèks gein ech doel in hun leve. En in ooze sjeatkelder hùbbe veer doeles zat.... Dao keump bee dat ze dan tenminste 'n gooij reijje hùbbe um regelmaotig de kaffee in te sjeete. En zeker die jong jonges, die zitte toch gère ins mèt hun vingers aan d'n trèkker?"



Wie veer zagte dat die lètste zin toch waal gèt errig dùbbelzinnig klonk, waor de veurzitter van de Sjeetvereinigung tamelijk in z'n wiek gesjoote. "Wat bedoelt geer mèt dùbbelzinnig? Dat kinne veer neet bee 't sjeete. Waal dùbbelluipsj, mèr dao deit de Sjeetverenigung neet aan." Mèr is de sjeetsjport waal veilig veur jongere?

De veurzitter: "Veer hantere hiel sjtrenge veiligheidsregels. Wè aangesjote is, keump d'r bee os neet in. De lede maoge waal aangesjote weure, mèr allein es ze oetgesjote zeen. Oonder 't sjeete kontrolere veer altied sjèrrep op veiligheid. Zoelang ziech luij tùssje de sjutter en 't doel beveende, is aaftrèkke verbooje. Wè dat toch deit, krijg sjtraofpunte aafgetrokke. En auch ès de weend inins opsjtik, maog d'r neet gesjoote weure. Veer vraoge auch altied iersj of eine Chinees of broen boene hèt gegete. Dè moet dan hielemaol achteraan goon sjtoon, zoedat de andere de weend neet van veure kriege."

Geer huurt 't: es geer op zeuk zeet nao 'n paar oor sjportieve ontsjpanning, dan kint geer terèch bee Sjeetvereinigung Bergziech in Bemelen. Twiefelt geer nog? Bee Bergziech zeet geer altied welkom um 'ns te kome proofsjeete. Neet gesjoote is altied mis.

Waal gesjoote dèks auch, mèr wie dat zit, dat kinne ze uuch bee de Sjeetvereinigung allemaol oetlègke.



Schietvereniging Bergzicht
Bemelen

Sponsors

Voor aankoop, vakkundige reparatie en onderhoud van al uw land- en tuinbouwmachines

LAND- EN TUINBOUW-MACHINEHANDEL **BÈR HUYNEN**

Aan de Fremme 58
6269 BE Margraten
Tel. 043-458 43 80
Fax 043-458 43 81
E-mail: ber@huynen.etrade.nl



Leveringsprogramma o.a.

**VALMET-ZETOR-EICHER-HARDY-PÖTTINGER-JOSKIN
RABE-MULLOS-HOLORAS-STRAUTMAN-SABO-ALKO
HUSQVARNA**

ASIK AUTOSERVICE KEER

- ◆ verkoop nieuwe en gebruikte auto's
- ◆ reparatie en onderhoud alle merken
- ◆ APK-keuringen benzine en diesel

Kerkstraat 38a 6267 ED Cadier en Keer
tel 043-4072727 fax. 043-4072733 www.autoservicekeer.nl

Patrick en Paul

Zaoterdag 11
februari


Ouw Wieveral
Met
Prinsoetrope



'T Bal begint um 20.11
oor en de nuije Preens
(de 36^e) zal um
22.11 oor weure
oetgeroope.

Kletse kinne ze in Bemele wie Auw-wiever, mēr
kinne ze zich ouch zoe verkleije?. Veer zulle 't
zeen want d'r zint auch weer preis veur 't bes
verkleijde oud-wief of oud-menneke!!

Muziek: Hans Coenjarts



Is 't noe Paoldanse of vēur paol danse ???

(Personeelsavertensie)

KINT GEER:

- *Uuge leenker- van uuge rechtermoat oondersjeije??*
- *In 'n rechte lijn loupe, auch es geer gèt gedroonke hùb?*
- *Op de vingers van ein hand tot vijf tèlle?*
- *'t Versjil tüsse Dik Trom en ein dikke trom?*
- *De maot howwe zoonder 'm pijn te doen?*

Es geer op alle bovesjtoande vraoge ‘jao’ kint zègke (of toch op z’n mins op drei van de vijf), mesjiens is dit dan waal gèt veur uuch:

Hermenie SINT LAURENTIUS oet Bemele

Is op zeuk nao:

EINE TAMBOER-MAÎTRE (M/V)

Functie-eise:

- Moot langer zeen es ziene sjtèk.
- Moot ervaring hùbbe in ‘t umgoon mèt sjtèkke (‘t sjtèkke van geraniums tèlt neet mèt, ervaring in ‘t ete mèt sjtèkskes waal)
- Moot ‘m good umhoe g kinne hauwte.
- Moot ‘m neet te gauw d’rbee neergoeie.
- Moot de weeg weite van de kaffee in Bemele nao ‘t gemeinsjapshoes in Bemele en weer trùgk (ongevèèr de maximale oettrèk-aafsjtand van de hermenie).

Salaris:

- Moot nog besjprooke weure. Beeverdeenste, zoe es zelf mèt de patsj roondgoon, zeen altied meugelik.

VEULT GEER UUCH GEROOPE?????

Aanmeldinge (zoe sjnel meugelik) bee ‘t besjtuur van de hermenie.

Zoondig 12 februari
Vanaaf 17.00 oor

Foto's ophange bee
Café 't Plateau en Café de Baaskuul



Wroef, wroef, zal iech volgende kier mèr fietse Berry?

Zoondig 19 februari Keender-Zitting

13.11 oor:

Oploate van de
Berggeit en
ballonnenwedstrijd.
Aansjletend optredens
vaan diverse artiesten
van eigen bodem.




16.00 oor:

Oetroope vaan de
nuije
Jeugdpreens en Prinses

's aoves foto's
ophange
in Café de Baaskuul



Ouwe oetgaves



Jubileum: 3 x 11 jaor Gèkkekrant

Veer doen 't neet dèks, mèr veur eine kier wille veer 't ins get oetgebreider euver òszèlf hùbbe. 't Gezètsje dat geer noe aan 't leeze zeet, is namelik de 33^{ste} oetgaaf van de 'Gèkkekrant veur 't Bemelere land'. Ein éch carnavalsjubileum, dus. En dao maog ziech bès eine extra op gedroonke weurde....

Wat beteikent dat, 3 x 11 jaor gezètsjes maake?

Veer hùbbe dat ins veur uuch oetgerekend.

33 jaor carnavalsgezèt, dat beteikent:

- 481.783 blèèdsjes mèt oonzin bedrük pepier (dat is 't gemiddelde aantal pagina's per oetgaaf, vermeinigvuldig mèt de oplage, dat kier 33, en dao nog ins 6,98 procent bee opgeteld veur oetval en misdrükke).
- 10.586 nietsjes.
- 37,95 liter drùkeenk.
- 276 lèèggesjreve balpenne, 78 aafgesjleete potloejer, 56 pùtsjes typex en ongevèèr 34 weggegùmde gùmme.
- 3.169 oor, 57 minute en 24 seconde wèrrektied veur de redaksie (plaspauzes neet mètgerekend).
- 2.978 liter beer (gemiddeld loupe de redaksieleede van 't gezètsje ein op ein, dus iets minder dan eine liter per oor), woebee de consumpties bee 't naopraote (evaluateere, wie dat tegeswoordig zoe sjoen hèt...) neet zeen inbegreepe.
- 423 liter koffie (veur ès d'r ech serieus gewèrrek moos weurde).
- 12 liter frisjdrank (veur dat eine redakselid – veer neume gein name – dè auch waal ins gein beer droonk).
- 7.456 gooij ideeje (woevan 25 procent 't gezètsje hèt gehaold, en 75 procent toch gèt te wied ging veur 'n blaad dat auch door minderjaorige geleze weurt), en 14.987 sjlechte ideeje (woevan 11,8 procent tóch 't gezètsje hèt gehaold umdat veer ech gein idee mie hawwe....).



ADV.
GRATIS RAFFLE HOELE

BEMELSE - MODDER"

TE BEVRAAGEN:

Fa. BAARS

ZOE LANG DE VUURRAOD
SJTREK"



PEUTERBERG 1985



KASSA



- 646 valium-tablette (vanwege de zenuwe: hoe zouwwe de luij 't veende, zouwwe ze 't waal allemaol sjnappe?)

Geer zeet: dao keump nog hiel gèt bee kieke....

Och, d'r zeen netuurlik hiel gèt verhaole te vertèlle euver wie veer pas begoste. Euver de sjtensil-mesjien dè 't de hauve tied neet deeg, en dè d'rveur zùrregde dat de ganse redaksie nao eine aovend drükke de eenk tot euver de ellebaog en achter de oere haw zitte. Euver 't zèèlke bovenin 't auwd gemeintehoes woe de verwèrming nog waal ins oetveel zoedat veer mèt de dikke winterjas en de heijsje aan 'n paar hoonderd gezètsjes sjtonge te vouwwe en te niete.

Mèr ver hùbbe 't altied gère gedoon, umdat 't hartsjtikke leuk wèrrek is.

Netuurlik zou 't gezètsje 't noets zoe lang oetgehawwe hùbbe zoonder uuch. Want es geer al die jaore neet gezùrreg hawt veur gekke trèkke, leuke gebeurtenisse, sjtomme wazel en ander apaarte deenger, dan hawwe veer éch neet geweite wie veer al die pagina's hawwe moote volklètse en -teikene. 't Moot mèr ins gezag weurde: geer hùb os noets in de sjteek gelaote.

Aan de hand van de veurige 32 oetgaves hùbbe veer ein ranglies opgesjtèld van persoene en zaake die òs in de aafgeloupe jaore 't bëste gehòllepe hùbbe um 't gezètsje vol te kriege.

De top-tien van de populairste onderwèrrepe:

1. De Kromme (dao kin heer zèllef nikks aan doen, zèt heer, mèr 't euverkeump 'm gewoen....).
2. De FC Bemele (of ze noe winne of verleeze, in 'Wis Geer?' zeen ze altied waal good veur 'n paar punte....).
3. 't Gemeinsjapshoes (ze prebere 't waal geheim te hauwte, mèr op de ein of ander meneer leek 't altied oet...)
4. Servé (liet altied waal van zich huure....)
5. De prins van de Berggeitte (veer weite van de prins gein koed, mèr gelùkkig van de mieste waal eine houp ander deenger....)

6. De gemeinte (es ein gemeinte in ein jaor niks gedoon hèèt woemèt ze in 't carnavalsgezètsje keump, dan hùbbe ze dao waarsijnlik hielemaol niks gedoon....).
7. De hermenie (die kinne waal doen of ze van toete noch blooze weite, mèr oondertùssje....)
8. Eduard van Hùnsjes. Auwt-prins Eduard scoorde veural punte in de iersjte jaore van 't gezètsje door jaorliks waal ùrreges tegenaan te vaare, miestal tege de ein of andere paol. Moot ziech gauw weer ins g`rt in laote valle, anders sjiteit her volgend jaor neet mie in de top-tien.
9. Hout. Kachelhout, brandhout, zeuthout. Die van Bemele hùbbe gèt mèt hout, buim en zèège. Woe gehàk weurt, valle sjpaanders, en die zètte ver dan in 't gezètsje, auch es 't weijjer gein hout veursjtèlt....
10. NN. De groete onbekinde. 't Is neet altied dezèllefde, mèr eeder jaor maak waal weer eine eine vleug dè veer persé in 't gezètsje wille zètte, zoonder daobee ziene naam te neume. Umdat 't miestae al erg genoeg is.... En d'r moet veur de lezers auch nog gèt te raoje euverbliieve....

Geer zeet, 't is hiel gevarieerd.

En veer doen auch de vollegende elf jaor weer os bès um dat zoe te houwwe.

Receptie


Ter gelegenheid van os 3x11 jaor bestaan houwe veer un receptie boe geer us met dit heuglik feit kint komme felicitere en waal op:

Goonsdig 29 Februari café De baskuul vanaaf 20.11 oor.

Nao de receptie is er unne feestaovend met muziek van de band:
De Frazer (die van de Kermis..).

Cadeautip: géine wien (veer dreenke allein beer)en gein enveloppe,
(veer sjture niks per pos) waal inhoud.

Sjpeciaal pagina gereserveerd veur hangjongere



*Nuj Hangplek veur Hangjongere in Bemele gerealiseerd
in de garderobe van 't gemeinsjapshoes.*



Bemelse Hangjongeren blyke echte watjes



Zou 't neet geweldig zeen es.....



Mier luij zich van hunne
gooje kant leete zeen op
de zitting...



Zaoterdig 25 Februari

Iers: Sleutel-Euverdrach
In 't Gemeintehoes in
Mergraote (op
oetnuudiging)



En daonao:
Um 19.30 oor:

Openen van de carnaval in Bemele door
het ophangen vaan de Geit bie de Den.

's Aoves gunt de Groete en Kleine Prins
mit hun gevolge nao café "'t Plateau"
boe veur eederein get te ete en te
drinke is

WIS GEER??? WIS GEER ???

- 
- * Dat 't nog neet zoe gek is um preens van Bemele te zeen....?
 - * Dat Berry in 't aafgeloupe jaor eine nuijjen auto hèèt aangesjaf, op zeuk is gegange (es de geruchte kloppe) nao 'n groetere boot, en in ziene tuin 'n zjwumbad liet grave (al is dat volges sommige 'n wintersjtalling veur zien prinselik jàch)?
 - * Dat heet daomèt de prins is dè in zien carrière 't bëste geboerd hèèt van allemaol, mesjiens op prins Bernhard nao....?
 - * Dat heer de Berggeitte gevraog hèèt zien contract nog mèt 'n jaor te verlenge, umdat heer neve de Kattegrùb gère nog 'n landingsbaan zouw aanlègke veur zien privé-vleugtuig....?
 - * Dat de Berggeitte dao 'nein' op hùbbe gezag, umdat zee veende dat auch andere in Bemele de kans moote kriege ùm ziech gèt bee te verdeene....?
 - * Dat ze dat in Bemele auch waal nuudig hùbbe, veural die luij die dachte dat ze van de sjtraotpries in de Postcodeloterij – van harte gefeliciteerd, nog, daomèt... - koste goon renteniere.....?
 - * Dat eine oet Bemele 't aafgeloupe jaor de gezèt hèèt gehaold umdat heer brand haw in ziene sjtal....?
 - * Dat veer altied al gezàg hùbbe datste mèt eine sjtal vol Leeuw toch väöl minder risico lùps...?

- * Dat Bemele bijnao wereldberoemd is gewoore umdat heij ùrreges in 'n wei 'n kooj roondleep die op d'r koont ging zitte es ze meug waor....?
- * Dat die kooj nao 'n groet verhaol in de gezèt inmiddels ùrreges op 't Hollesj op häör gemaak in 'n luxe-wei van häöre auwwe daag zit te geneete....?
- * Dat 'n paar sjtamgaste van de Baskuul eine bref hùbbe gesjreeve nao die Hollèndersj, mèt de vraog of ze soms interesse hùbbe in nòg ein paar zittende keuj die gère oet zouwwe sjeijje mèt wèrreke....?
- * Dat zee dè bref oonderteikende met 'De Zoepkeuj van Bemele', en tùsse häökskes d'r achter: dagelijks (behalve op woensdag) te bezichtigen in het dorpscafé, zittend aan de tap....?

- * Dat ze in Bemele soms zoe'n gezellige fuive hauwte, dat zèllefs de pliesie d'r mèr neet genoeg van krijg, en op eine aovend drei kier trùgk keump....?
- * Dat de achterbuure al vanteveure in de gaate hawwe dat 't dao waal ins hiel gezèllig kos weure, en ziech veur 'n paar daag rùs hawwe trùgkgetròkke in 'n huiske in de Ardenne....?
- * Dat zoegèt op ziech hielemaol gein sjlèch idee is, mèr datste zoegèt waal beter neet kins doen in 'n huiske vlakbee 't circuit van Francorchamps es dao races weure gehawte....?

- * Dat de hangjongere van Bemele auch de hangjongere van vreuger neet mie zeen...?
- * Dat die bee 't bouwe van eine carnavalswagel gèt laat d'r achter kaome dat 't neet zoe hèndig is um in 'n sjeur eine wagel te bouwe dè hoeger is ès de poort woedoor heer nao boete moot....?
- * Dat veer houpe dat die noe de kop neet laote hange, 't d'r neet bee laote zitte, mèr d'r sjtraks, es de optoch trèk, gewoen weer sjtoon....?

- * Dat veer 't veur de rès dit jaor auch neet mie weite, en d'r dus mèr mèt sjtoppe....?
- * Dat veer uuch eine sjieke carnaval weense...?

Oh jao en wis geer ouch dat,..

Veer de Zittende Kooj van Walter van 't Biëmerhofke neet wille vergeten in dit beukske. Neet dat veer un zittende kooj in Bemele zoe biezunder veende, de café zit d'r op zoondigmörrege vol met, Mèr veer höbbe oet gooij en betrouwbare bronne dat Walter al weer de volgende biezonder keuj in opleiding hèt:



Greet 6, de iersjte fietsende kooj



Inge 2, de ierjste zwummende kooj



Sjpesjial veur Carnaval: Walter aan 't werrek um zien keuj de polonaise beej te bringe.



Bertha 8 nao de twiede cursusdaag:
Dreije !!!

Heer zeuk euveriges nog trainers veur zien volgende project: de zoepkooj.



Bla **CENSUUR** ng
..en toes wilste n **CENSUUR**
.....Toete én Blaoze...

De Geruchtemeule

Dao zeen veer dan weer, uuge eige Geruchtemeule, mèt de bëste roddel en achterklap dë veer 't aafgeloupe jaor in Bemele en umsjtreke hübbe opgevange....

Hùb geer 't al gehuurd?

Waarsjijnlik neet, want 't is nog allemaol geheim, mèr oet betrouwbare bron weite veer dat de FC Bemele drük op zeuk is nao nuijje sjponsors. Volgend jaor wil de FC 'n paar topsjpelers inkoupe – de scouts van Bemele zeen al gesinjaleerd op de trebuun van de VV Zichen-Zussen-Bolder en bee 't iersjte van Bruusterbùsch – en daouveur moot groet geld op taofel komme.

Volges de geruchte hèt 't besjtuur van de FC in iersjte instansie Media Markt benaderd veur 'n sponsorcontract, mèr die onderhandelinge zeen op niks oetgeloupe. D'n directeur van Media Markt sjreef 'n brefke trûgk van mèr ein zin: "**Bemelen? Ik ben toch niet gek!**"

Inmiddels zeen d'r gelùkkig 'n paar kontakte gelag mèt bedrieve die qua oetsjtraling beter aansjleete bee de prestaties van 't iersjte van de FC. Zoe zeen d'r beveurbeeld gesprèkke gaonde mèt de Belzje beerbrouwerij Palm. Die zeen veurig jaor gesjtart mèt 'n nuij reclame-campagne oonder 't motto '**Palm! Ook als je niks te vieren hebt...**', en volges 't besjtuur van de FC pas dat waal bee de club oet Bemele. Auch de iersjte onderhandelinge mèt de bouwmèrret Karwei – die van '**Ook geen punt! Bij Karwei**' – lieke good te verloupe, al eise die van 't besjtuur waal de garantie dat de prestaties van 't iersjte van de FC dan op 't huidige niveau moote blieve. Mèr dat maog volges 't besjtuur van de FC Bemele gein punt zeen....

Auch de supermèrt-kete C1000 hèt ziech bee 't besjtuur van de FC gemeld. Noe ooze eige buurtsuper de deure gesjloote hèt, zeen die van C1000 eindelijk ein kans um eine poet aan de groond te kriege in 't dùrrep. 't Sjponsore van de FC zou ein good begin zeen. Mèr 't besjtuur van de FC twiefelt. Es d'r ein contract mèt de C1000 weurt aafgesjloote, zouwwe de sjpelers van 't iersjte allemaol roond moote

loupe in 'n truike mèt de reclamekreet van de supermèrret op de rûgk: **'C1000: geen fratsen!'** En dat, vind 't besjtuur, is toch waal gët raar veur 'n èlftal dat beter is in fratse es in voetballe.

De aanbeeing van verzekeringsmaatsjappij Reaal, um veur 'n fleenk bedrag de truikes van FC Bemele op te seere met hùnne reclamekreet **'Foutje.... Bedankt!'** is door 't besjtuur aafgeweze. Daomèt zouw 't iersjte van de FC veur gek loupe, en 't is volges de veurzitter noe al erg genoeg.

Volgende week hèèt 't besjtuur van de FC 'n aafsjpraok mèt de directie van Philips, um te kieke of dao neet 'n aardig sjponsorcontract oet 't vuur te sjleipe is. Volges de veurzitter pas de reclameboedsjap van Philips – **'Let's make things better!'**- eigelik nog 't bëste bee de FC. "Want sjlechter kin neet mie..."

Veer hauwte uuch op de huugte!!!!

**WETENSCHAPPELIJK BEWEZEN: SPELERS
MET RODE KLEREN SCOREN BETER**



Jeugdpreens Nicky en prinses Angelique



Toen ze oes kieme vraoge, hoofde veer oos neet lang te bedinke veur
dat veer jao zagte.

't Passe van de kleijer bij tant Maria waor hiel leuk en door heur
waore veer de ierjste met un Berggeitsjes embleem op der keep

Met ut oetroope in der zaol, waore veer in de does errig
zenuwechtig. Veural omdat de kiekgater veul te hoeg zoate en veer
ut papier neet kapot krooge.

Op Zoondigmiddag höbbe veer op 't Rooth same met uzze road van
ellef unne gezellige middag gehad. 's Aoves op ut boere-bal hub
veer same met de groete preens, noonk Berry de Ierszte, gesjpronge
tot un oor of veer.

In d'n optoch bove op de wage waor 't geweldig. En dao nao in der
zaal höb veer nog lekker kinne sjpringe.

Toen veer de geit hubbe aofgelaote waor de Carnaval bienao gedaon.

Veer wille eederein van de jeugdcarnaval bedanke, veer zulle altied
met veul plezeer truk kieke op un vit carnavalsjaor!!!

Veer winse ut nuij Preensepaar veul plezeer.

Bemele ALAAF,
Berggeitjes ALAAF en
Carnaval ALAAF !!

Jeugdprins Nicky & Prinses Angelique

Zoondig 26 Februari

Groet Carnavalsbal in Café de Baaskuul
Vanaaf un oor of 20.00 tot un oor of zoe



Maondig 27 Februari

Jeugdpreens mit ziene raod van ellef
bezeuke de keendercarnaval in Keer in
't Keerhoes.



Rustdaag Groete raod van ellef...
(mèr ze zeen toch ouch in keer....)



Mannen staan steeds vaker in de keuken.

Deensdig 28 februari

Groete Carnavalsoptoch


Opsjtelle : 12.11 oor op 't Gasthoes


Vertrek : 13.11 oor

route: let op !!!

't Gasthoes, Bemelerberg, Auw Akerstraat,
Schepenbank, Sjleutelweeg, Steeg,
St.Laurentiusstraot, Gemeinschapshoes.

's middags en 's aoves springe in de zaal





*Eedere donderdig en vriedig: sjuif mer d'r in
Bee sterre-restaurant Café de baskuul*



Trouwfoto's broelof Marco endelik klaor...

Ondersjeijing van de kopere kromme veur:

De Kopere Kromme, oos oondersjeijing veur luij die zich in 't aafgeloupe jaor bezeunder verdeenstelik hùbbe gemaak veur de gemeinsjap Bemele in 't algemein en de carnaval in 't bezeunder, geit dit jaor nao:



DE KROMME ZÈLLEF

Umdat heer eindelik bereik hèèt woe heer zien ganse leve veur kroomp hèèt geleuge: heer hoof niet mie te wèrreke.....

TINY NOTTEN

Ze hèèt waal al 'n leentsje gekrege van de Keunegin vanwege al 't gooje wèrrek dat zee gedoon hèèt veur 't kèrrekbesjtuur, 't gemeinsjapshoes, de damesvereiniging en nog zoe gèt van die deenger, mèr in Bemele tèlste toch pas éch mèt este de Kopere Kromme op de sjouw hùbs sjtoon.....

MARCEL MERKEN, JOS BROUWERS EN PIERRE THOMASSEN

De Vogelwèrrekgroep Bemele voogelt al 25 jaor oet wat good is veur de natuur in en roond Bemele, en dao pas 'n oondersjeijng bee. Marcel, Jos en Pierre verdeene de Koopere Kromme umdat zee al vanaaf 't begin mètgevoogeld hùbbe, en dat nog altied neet meug zeen....

MAX EN STEFFIE VAN SLIPE


Bemele hèèt neet zoeväöl wèreldkampioene in hoes, dus és veer ins eine hùbbe, dan goeje veer dao gère eine Kopere Kromme tegenaan. De oondersjeijing geit nao Max en Steffie van Slijpe, de baze van de échte winnaar, hunnen hoond Michelle, dit jaor oetgeroope tot de sjoenste in häör ras van de ganse wèreld. Veur Michelle zèllef hùbbe veer speesjaal eine nuije pries bedach: de Kromme Knook.

CAR
S C H A D E S E R V I C E
Voorheen Autoschade De Bruyn

CARE Schadesservice B.V.
Vestiging Maastricht

Fregahweg 80, 6222 NZ Maastricht
Telefoon (043) 362 07 77, Telefax (043) 363 59 19
E-mail: Maastricht@CARe-Schadesservice.nl
Website: www.CARe-Schadesservice.nl

Sponsors



Maurice Ubaghs
Exterieure Facilitaire Diensten

Kerkstraat 6
6267 ED
Cadier en Keer
Tel. 043 - 4070160
Fax. 043 - 4070161

De Weurstekraam

**Veur de groete
én lekkere trek**

FORMIDO

*De echte Doe het zelver
ken niet zonder*



W. DRIESSEN

SNACKPOINT

*De snackbar voor
uitgekiende kwaliteit*

EINSTEINSTRAAT 16B
6227 BX HEER - MAASTRICHT
TEL.: 043 - 361 81 66

Asgoonsdig 29 Februari

De Prins en ziene raod nuudige uuch
oet um same met hun um 19.00 oor de
mis te bezeuke.

Daonao:Hieringe Biete
Bee
Cafe de Baskuul



VOGUE

Dominican

N. 582
CARIBE
ONLY




ce mois
SERVICE
PHOTOGRAPHIQUE DE:

GUUS

*Veur diegene die Guus gemis höbbe bee de
raod van ellef, veer höbbe oet gooje bron
dat heer zich toch prima amuseert.....*

Nao Vieboeren en fruitboeren nuije bedriefstak in Bemele: De subsidieboeren



Meidoorn en Hoegsjtam op de veerkante meter.

Met es belangriekste fruitsoorten:

De Golden Delicious, De Goudrenet en JonaGold.

*Es keersjessoort is veural de bekinde Sjpek(-de kas)kers
hiel gewild. In tegensjtelling tot appels en keersje kinsté
de subsidie 't ganse jaor door plukke...*

Sjponsor



En es letste toegif....

